

箕

谷

詩

鈔

賈谷詩鈔卷九

海昌查揆梅史著

上元舟次硤石適錢編修

昌齡

亦自秀水至偕吳榕園

思亭夜話

急觴容易送征橈
樺燭光中破寂寥
留客雨多成小住
試鐙風好又今宵
十年崇讓坊邊屋
後夜錢唐渡口潮
各有詩篇傳日下
名心如酒不能消

送朱閑泉入都

行人在門春在水
人與落花俱去矣
落花送春兼送人行盡
江南一千里
驪駒踢徧風塵色
頭白衰親留不得
行人已到清淮西
落花不渡黃河北
車箱搖夢何處城
殘星數點天五

更出門仰首卽相見故人那得如晨星送君正潑清明火但
道平生多輶軻急裝誰識劉曉行酒座已無華獨坐麻衣一
領寒如雪回首春暉忍言別乞米真成去住難打包始覺生
涯拙黃金百萬亦區區况復彈雀拋明珠丈夫意氣會有日
明光獻賦 丹墀趨我爲君歌君飲酒世事紛紛直芻狗看
君面似斛律光霹靂弓鳴弦在手我亦人間報恩子四十行
年眼前是萬馬長嘶一驥暗鬱鬱安能久居此

蔣蔣村范小湖讀書白衲庵

百事不足了青山對讀書樹多童僕少飯健酒杯疎看竹籬
抽筍聽泉篴引渠論文或不愧便擬訪精廬

過葛林園簡何三

元錫

二首

補癸亥年作

蕭寺三年別蒼苔不可尋半椽秋士夢一飯故人心文字誰
爲託煙波歲又深巢痕猶好在流水澹鳴琴

忽忽已三十頭顱老奈何極知爲客賤漸覺畏人多樹響驚
秋葉池翻貼水荷雪眉相問訊尙記打碑過

大水泊臨平二首

拍天新水漫魚灣昨夜風多雨又豚睡過臨平三十里萬荷
花上看青山

兩埭蝦蟆夜打更不勞津吏詰嚴程而今始信思光語真箇
牽船岸上行

寄嘉善張明府

青選

錢唐江上浣征塵回首吳煙歲又新此日馬周爲辱客舊時

閔貢本州民春風麥秀馴潘雉秋雨鱸香近陸萼聞說緩租
方入告歡聲還得到窮鱗

簡吳兼山騎尉時客魏塘

問訊還憑笠澤魚延陵公子近何如才因妬極翻生愛交怕
親時轉易疎宦味似嘗新釀酒前游如記舊抄書比來秦隴
消兵氣腰下刀應換鶴鉏

法時帆洗馬

式善

自京師寄題拙集詩三首如數奉答

說士如說肉舉賢如舉燭儒林有丈人有若水歸濱郭郎
都下來執手歌獨漉爲言東華塵汲引先生獨但得一字奇
不厭百回讀感此泣窮魚便想駛孤鶩所歎爲匱才無珠况
有橫涉深河無梁登高興脫輟幾胎若取飽不如防風粥元

酒若取醉不如醕與麴下士貴適時要作荒年穀何當傍桂坊雕龍快炙轂

車聲走雷霆市聲浩鴉鵲先生在長安兩耳無所著蕭然外形骸肯爲四禪縛宦海尋巢痕一任風埽籜惟餘文字緣結習未澹漠側聞詩龕名騷雅冠京洛證果非辟支現身乃廣博大願船浮浮無盡鐙灼灼妙諦洵莊嚴接引到寥廓金臺有程期擬遂季布諾長揖春明門相士如相鶴

窮使婦無禪饑使食無肉三十五年來不肥亦不俗俯首就記室高卧百事足主人者爲誰不知廉與酷羣鵲聚空倉米啄覆車聚客從遠方來發篋再拜讀虞翻有知已唐衢欲痛哭鍛翮棲樊籠百鳥誹以腹讀書不媚世妄謂仁義熟雉雉

條風鳴鶴警寒露肅聲氣良有由幽契栢悅竹努力謝故人
及此髣髴綠

附題菽原堂詩集三首

浙詩在國朝作者稱極盛海寧有查氏文采後先映阮
公輶軒錄吾曾著評論不謂同時賢詩筆乃爾橫樊榭擅
典麗初白取醇正君直藉學力抒寫已情性寸衷蘊蓄深
萬緣滌汰淨兩家之妙兼却去兩家病江湖遍傳寫星雲
共景慶

空山守貧素懷抱同幽蘭榮悴難預期富貴非所歡日逐
雲水僧碑字落青剎梅花深雪間天地如此寬萬卷填滿
胸寧復愁饑寒三日不出門人將比袁安筆下具鑪錘字

裏生波瀾老師與宿儒尊酒招盤桓將無猿鶴儕豈有公卿干

既不親拜揖亦未通姓名把君一卷詩拳拳念生平秦君小自南來因述君性情三十猶青衫鬢髮白數莖三折肱誰憐九轉丹不成廣廈雖萬間志士羞營營莫舉古毛錐棄等寒燈檠行看特達材應詔來承明朝陽鳳凰音漫雜秋蟲鳴

題陳半村先生書襖帖爲秋堂作

蘭亭一百十七刻錢唐謝氏存其真五百年來幾易主家雞野鷺徒紛紛眼中近日誰健者相逢但道東園陳陳君卅年下筆親坐看蟣蝨成車輪呼君爲作筱下飲醉倒欲寫羊欣

裙三更送汝戴家蕩犯夜已被旁人嗔敲門喚婦婦亦睡呼
燈但要茶沾脣三間老屋蔽風雨客且坐話消餘醺揖我謂
我好詩句一字不賣千萬緡蘭亭長卷有題署半村七十三
老人老人爲誰爲君祖乞我題字何殷勤定武襖帖今幾存
如牆敗筆千枝駁懸鉞蠚眼亦形似如以病馬追蘭筋坡書
意造本無法吾謂此語真傳薪能以意造乃有我無法之法
神乎神老人人工意不工似笑看世上植麒麟姓名况入獨行
傳耳鳴陰德多傳聞文孫猶能作繆篆毫尖有力迴千鈞君
不見區區皮相論肥瘦墨妙如今誰足云

題陳曼生

鴻壽

種榆仙館圖卷時曼生將之官粵東二

首

擬汎銀槎問碧虛黃姑織女渺何如秋河景裏看仙吏榆莢
風多讀道書

鬱孤臺畔動經年笞鳳鞭鸞未是仙乞我荔支三百顆縣官
拚費沈郎錢

送潘庶常

恭辰

入都同人集湖上

三十還朝歲未徂東華塵土勝西湖酒人漸逐尊前散心計
休嫌宦後麓中婦朝衫熏甲煎鰾郎秋色下丁沽花輒約指
無多日踐得春明息壤無

題方鐵珊銷寒夜話圖

欲雪天低入醉鄉尊前一曲總迷陽方千下第尋常事莫語
平生古戰場

楮柑紅銷嚼凍菹猶勝塵土策疲驢與君大有臨歧約除却
沈酣且著書

杲之蓮幕屋西東社酒綱茶句獨工多少銷寒圖裏見輸君
常得坐春風

將赴禮闈別諸同志

來鴻唱徹越王臺此夕吳雲鬱未開酒琰不知人盡去霜花
無奈雁初回江湖集大傳陳起賓客貧多託郭隗却與都官
成一笑鮎魚還上竹竿來

錄別四首

年年何苦夢京華換得黃塵刮面沙寒緊絮披風裏帽水渾
薑漉雨前茶匆匆餽歲貧尤甚草草辭家路更賒安得車輪

似明月團樂相逐到天涯

急景真愁二老知一梳霜鬢已絲絲歸難預定姑言早名卽
垂成亦悔遲識好金錢施里姬望香豚酒祝神祠三間板屋
桑陰裏惆悵衡門獨倚時

不成悲感不成懽滋味無如此別難話到宦期食索笑選來
吉語賺加餐荷衣楚佩連宵製犢鼻吳綿隔歲安憐煞衰師
知拜跪瀕行攜向衆中看

倦游翻逐急裝行釣弋年時媿友生坐少車公應不樂家餘
許武未知名識塗馬老同槽覺出岫雲高宿鳥驚輪與江南
老桑苧煙波來往一鷗輕

謂少白

過鴛湖與錢恬齋編修別時恬齋服闋將入都

春水方東下扁舟我獨西此行成孟浪欲別轉悽迷坐久寒
生幙談深酒到臍期君過京洛同聽汝南雞

舟次魏塘張雲藻明府餞飲郭外三首并示海虞吳上
舍

牽絲傀儡場高下落人手十年掌書記年少成老醜道聞長
官來叱殿逼戶牖抗手謝長官生慙布衣友坐此食無魚儻
募蓋已久謾罵洩儒冠彼然君則否晏坐談孔姬何至遂不
厚東家有郭生無事輒得咎移家乃就君老弱雜戴負飛蝗
去境外才人栖歛首

昨日督郵來今日寒士耳冠蓋出郭門道旁嘆不止使君送
督郵不如送寒士督郵來催租冷面薄於紙里胥方輸將督

郵安用此高卧黃綢被萬事問伯始燕燕自西飛伯勞自東
駛送者自崖返道遠夢則邇他日吾勿忘買田此好時

別君何所之門前新柳絲柳絲不如人纏綿無已時夜長苦

燭短道遠苦歸遲臨觴忽不御浮雲東西馳就中屠琴與許

青刻苦工文辭長劍佩陸離硬語盤蛟螭明知離思惡各自

諱其癡吳郎獨相惜素衣化爲緇緇塵尚可浣令名貴自持

吳門問馮補亭病二首

馮得風疾且瞽

一病竟如此相看直至今臨歧吾豈忍垂死汝傷心齊物誰

莊叟端憂託杜欽曰歸歸未得無賴是黃金

相見不相識聞聲淚已揮檢書醫案熟候疾故人稀婦健餘

空杼兒寒已練衣真成如雨絕吾道一歔歔

贈韻香四首

銀絲高髻挽周羅親向無遮會上過薄命翻教成佛易耽愁
無奈惱公何聽呼梵嫂惺忪久纔背僧妃懺悔多拜罷星辰
嫌夜永麻姑壇轉小銀河

海天兜率不勝情偷寫靈飛當梵經臂上脂痕何約略胸前
卍字太聰明與燒銀葉猶前夜便咒金輪似隔生好在大羅
緇謫籍佛奴名字已傾城

百福空奩掩碧紗唐昌宮觀是誰家一行玉枕蘭亭字四壁
金蓮寶相花學拜優婆身稱姪教攜弟子髮鬢不聞奪媚
瑤光寺淫席分明近狹邪

隱語夫容便可憐散花剛好上頭天因緣小證雙飛寺福慧

能修十種仙艾蒨將灰猶作暖兜羅無緒不成綿攤門總有
安橫意絮絮沾泥一惘然

乙丑正月四日高郵道中同青士琴鳴作南人惡雅北
人惡鵲故揚子江以北鵲多而鵲少又淮水東下勢高
力勁舟師視風順則需帆逆則需繹非柔艣所能爲功
三四二句蓋紀實也

先春一日又江程驛路衰楊綠未成問俗始知鵲有喜過江
漸覺艣無聲風來西北愁徒侶地入淮徐弔戰爭大好觸人
鄉夢在三重茅底拜新正

曉發王家營

鈴鐸聲搖草市譁出門人起早於鵲柴車月小輪生角野屋

風麕飯聚沙衣上霜
稜欺渴睡酒邊心事諱
思家愁多故作
豪人語要看燕支北地花

四月七日坐雨古雲招同朱素人王子琴陳雲伯饒春
百一山房去揭曉僅一日矣

悄悄小雨上銅街如此餘寒醉亦佳
不信堂堂春似水故應
昔昔酒如淮邀頭稱好芙蓉鏡
擁髻遙憐玳瑁釵傳說大羅
天上事榜花催放牡丹脾

殘脂剛稱軟紅低尺五城南路未迷
簫管兩頭花十八酒缸
四面玉東西丁年話雨誰金馬甲第連天問碧雞
却送春歸
歸底處藥珠宮闕有唐梯

爲陶季壽

章鴻

題松石圖

長沙古才子屈賈雄於辭寧鄉其下邑瀉水來貫之奔流赴
湘浦衆壑爭嵯峨幽深鬱雲氣糾結生虬枝松根瘦於石石
亦松之脂礪礪不得洩中夜聞嗟咨君生瀉水上嘉名亦於
斯瀉水無弱流松石無凡姿崢嶸出手腕刻畫爲聲詩詩名
徧京國久被公卿知曷不獻頌賦遭際昇平時屈首就選人
爲保障繭絲披圖發長嘆素衣無乃緇松風若相答相答謂
君癡君癡豈得已寒士難爲私松乎莫騰笑石亦領其頤

雲繪園同雲伯作卽簡古雲襲伯

城南尺五聽鳴珂薛曲年年醉綺羅宰相平泉誰作記真靈
位業豈傳訛善才法曲琵琶錄神武高涼勅勒歌解話茂陵
舊時事貞元朝士竟如何

殷雷九陌紫鸞車珠箔承塵玉辟邪
箏笛簾櫳崇讓里鶯花
門巷總持家調鷹北地秋初到說餅東堂歲又賒
省憶西川
嚴節度平涼鼓吹下褒斜

昆侖星宿版圖收七十登壇老益州
此夕朋簪畿輔重舊時
笳鼓塞垣愁弓刀小社英雄傳鰕菜平生戶牖侯失喜未將
東閣閉江南詞賦總依劉

黃金屈戌玉交枝不分微之又牧之日下有人成薄宦坐中
此客善微辭外孫鰲白曹娥廟小妹青溪蔣帝祠
僥倖南朝
徐孝穆含毫序得玉臺詩

爛醉葡萄三百杯短衣落日晾鷹臺
便思邗上抽帆去曾向
遼陽絕徼回北苑傳衣輕馬夏後堂文譙狎鄒枚如何曹霸

丹青手不貌凌煙上相來

鄉心不斷廣陵潮朱邸分明近絳霄戲下定傳都尉箭殿前
曾插侍中貂畫屏六曲歌聲細銀戟雙行燭影搖如此星辰
如此夜梁園賓客總魂消

反游仙

縮地真能小九垓吞刀吐火總麤才求仙何與求官事也要
長房暮夜來

上元高會鬱金堂侍女傳呼郭密香纔喫冰桃還火棗神仙
滋味總炎涼

玉女窗櫺四面開吹簫多上集靈臺如何天上無夫婿杜鵑
紛紛下嫁來

記得攜家住碧城
明河清淺幾曾經
驂鸞馭鶴癡兒女
只有文簫跨虎行

羞著青裙立道旁
紫幢絳節忽飛揚
就中年少渾相識
玉貌身騎白鳳凰

華蓋幢幢太乙居
羣真受籙拜丹除
自緣嬾識苞符字
謫寫嬈嬛祕府書

古雲植芭蕉數本
於僕所居齋後
涼雨適至得三絕句
悄悄庭院午陰催
土潤泥鬆漸有苔
一夜簾櫳涼似水
南西門外送秋來

明星絡角轉秋河
綳戶疎櫺夜奈何
纔向茜紗窗上綠
雨聲已比昨宵多

漏箭沉沉動玉蚪花南雪北又聞愁廉纖葉上無多地已作
黃昏又作秋

朱素人畫仙槎漁隱圖爲何明府作

歲陰在未我東之之杲海上尋龍彫校書日糾酈氏注渡江
夜讀曹娥碑虞賓虞樂記吳地重岫疊嶺連尻肱方平釣魚
幽絕處下有漁浦通江湄潭空飲水綠入腹竹深煮石苔侵
脾雞豚散處見村落青紅蜃氣吞茅茨我時扁舟出其裏仇
亭柯水相娛嬉十年硤硤溷塵土鬚眉自見還生疑見君此
畫省陳迹迴腸坡谷爲逶迤東華荏苒不自得近來相者多
舉肥雲煙過眼有取譬夜夢夙飽朝苦饑君方謁選作吏去
頭銜乃署漁隱爲自言生於世味薄欲令食堇甘如飴古來

學道貴刻苦要於熱毒知涼漪此言非隱復非吏歡喜讚歡
知無欺君不見竹西朱老今巢父旁人傳言已入貲

素人畫垂柳小景

驛路餘寒鬪楚腰黃塵如海馬蹄驕關山無恙趙千里鬚鬢
長安郭四朝節物闌珊春漸去老懷散誕酒能消道旁送盡
江南客心似盧溝萬柳條

題吳荷屋侍御筠清消暑圖

二十上史館凌雲之氣排紫霄三十爲侍御搏擊百鳥盤秋
鵬長安貴人望顏色輪蹄避路不敢驕退直歸來讀書坐馬
蹄秋水兼逍遙宣武坊南數間屋過牆筠粉抽新梢湖州襪
材萬縑值廊陰紙尾生寒飈可庵題字墨妙在取例直似蕭

齋蕭此中追暑十日住篁田百頃風漪搖敲門已無客通刺
倚闌但少人吹簫夕陽欲紅紅不到肥綠瀉地如春潮解衣
磅礴草封事詎肯合口成胡椒尉佗城南海祲惡青紅蜃氣
蒸炎歊樓船下瀨好疏稿只合萬手爭傳鈔吁嗟人世工軟
媚鳳皇塌翼爲鴟鵂朝廷賴有公等在修竹上殿彈甘蕉

小游仙爲蘭風作

織室年年憶所歡白榆陰裏曉星寒閒來戲捉麻姑問如此
銀河幾日乾
海天兜率兩漫漫生小常儀怯夜寒十萬二千修月戶最難
修到小團欒

繁星明滅髻珠秋璇館如萍漾十洲元鶴不歸青鳥死門前

弱水自西流

蹉邱甲觀晝陰陰海水天風戛玉琴兒在扶桑花下住朝朝
日出正當心

行水歸來走怒螭阿香嬌小羽輪遲仙家大有懸絲事蠶作
雲師蛹雨師

題王茂才鶚湖樓秋思圖

明湖別三年積想不成夢忽於紙上秋著眼去翳霧鄉愁搖
雲根仙心嵌巖洞陳迹可尋煙高譚非鑿空京洛久未歸逝
水纔一縱蒙泉數株梅低枝手所弄破臘出疎蘂微吟戛溪
凍此意閱歲時消息何能詗

十年卧北山避人若蠹蟄卜隣有危巢老鶴答警欬一詠獨

漉簫緇塵發長喟誰遣城北徐西含毫弄狡獪與君風馬牛

爭此白鷗界竹屋著屋顛俯受萬荷拜湖影欲上樓櫓聲送

清快而我於此時菰蒲覓漁話惜哉未相從論文悔已隘

樓西清波門青山割左股其上黃泥潭統如聞粥鼓家伊璠先生故

居即今真修庵也孫夫人晚年學佛著語錄二卷沒後宅遂爲尼寺慧業懺人天下士愴今古

當時講堂啟沈湎及歌舞蓋亦有託逃黨魁避北部何物東

平侯生與噲等伍蝶粉一飄泊暗蟲弔荒圃蝶粉伊璠先生家伎見陸羽山

詩買山亦何易鹵莽徒自苦但得三重茅聊爾踵前武刻句

老楓根闌然坐詩虎

吾鄉老畫師近數方與奚一狂更一狷截然分如犁兩人適

相值交譽旋成詆潑墨上山樓無言各有蹊不知所歷高但

笑青山低清平讀書處奚畫眾所題

高庵讀書圖鐵生畫山翁題陳白雲作記僕爲

序贊琴鳴頻仰諸君以詩圖今藏胡秋白學博家

毫妙直造顛酒深亦到臍隔湖狂

司馬笑我如醺雞雲煙出懷袖刮目須金鯤

方榜盒作北山旅舍圖

尹

刑一相見那復分雲泥自從墮塵海舊夢尋猶迷徐生師奚
九下筆動天倪何時黃鱸畔招呼尋阮嵇

雙藤老屋圖爲琴鳴作

老屋結構低不牢一重再重鋪以茅旁風上雨太偃蹇欹斜
鐵幹撐其坳城南障眼塵昏黑玉堂仙人初下直涼陰仰面
雙古藤吾愛吾廬佳亦得吾廬價賤無十千藤花藤葉何清
妍醉來起作瘦蛟舞中有墨浪相迴旋賈生年少不稱意嚴
助尊官俱意氣率然放筆爲此卷鈎鎖毫端作餓隸聳肩山

字剛及墻紫花綬綬垂絲長此時不讓謝仁祖琵琶跋脚能
清狂攫挈有勢不可捉一種青蛇多上竹門前流水走車輪
誰識檀橋劉巖屋君家住近徐青藤低昂紙上留傳燈斜街
老輩有朱十如此荒寒呼欲出此圖此屋雲煙過主人奈此
雙藤何

題黃霽青

安海

孝廉東莊讀書圖

流別文章與細論小賢名字合成村五千卷亦尋常事肯讓
崔儵獨勝門

便擬歸裝趁曉星扁舟重訪草元亭長安米價今多少說與
梅花可要聽

題汪覺庵許王兩夫人照

媚鄉小劫似搏沙遺挂猶然玉辟邪君自人天能懺悔秋風
彈淚兩曇花

銅槃絳蠟未成灰愁絕朱陵北絕臺記否羊家南岳語波聲
前夜本如雷

如見秋鐙擁髻時履綈行迹古苔知雲翹去後雪英去賺得
裴郎兩髻絲

一月懷中墮渺茫鹿盧繩似九迴腸最憐樂府兜離語枉道
芙蓉自遶牀

許夫人其母夢蓮花而生故小字蓮生

絳雲迴首夢迢迢清淺蓬萊早晚潮歸去智瑱諸姊妹可堪

腸斷九靈簫

許夫人臨婉夢其表姊某某蓋多以產厄亡者

不服飛霜已得仙哀絲無賴上冰絃如何火浣金跳脫便隔

洹河九百年

酒地花天太瘦生
幢幢紅影黯
鐙檠無聊一覺春
明夢魂斷
雲璈第二聲

瘦影真如萼綠華
春風不改鬢邊鴉
祇應乞得青鸞尾
日向人間掃落花

雲繪園與古雲爽
泉夜話時二君將歸錢唐予留園中
覺鄉思惘然也卽事一首

長安市上杜門客
一笑不知車馬忙
紫藤架屋欲無月
青柿墮枝微有霜
暗螢沾粉竹梢大
仙鼠搖綠蕉葉長
明鐙濁酒話昔夢
夜來煙水歸橫塘

送古雲南歸錢唐四首時與爽泉同行故末章專及之

漢殿金貂侍武皇茂陵回首劇蒼茫
俄聞李愿歸盤谷剩有鄒生客洛陽
易水寒雲彈趙瑟薊門秋色壓唐裝
此行公輔猜疑甚三十辭官髣未霜

塵海茫茫感百端乞身有疏萬人看
但移微疾知無恙肯讓通侯亦大難
六詔山川家集在五湖煙水主恩寬
期君黃鶴山前路一品紅衣手釣竿

寒柳千條綰古愁客心如月挂盧溝
歸難作計方思宦別總無聊不爲秋荷
芰江湖留雜佩蒹葭風雨拂純鉤
長安俠少休相問蔡澤何能勸應侯

時以古雲之讓僞揆與爽泉與其謀故云

緇塵京洛鬢星星滿耳驅歌不可聽
好色始知天有恨耽愁唯恐佛無靈
論心酒琰觚疎語禿尾騾綱獨漉鈴
君是故將

軍揖客不教醉尉橫旗亭

爲梁生墨子題陵茗精舍讀書圖星子爲文莊公會孫
精舍其別業也予往來湖上二十年嘗主其地振觸舊
游披圖惘然并以爲星子勗焉

少年不合無黃金西湖梅花知我心蒙泉之上最清絕伊蒲
饌罷拚狂吟自來京洛面目黔口所欲吐胸先瘡湖頭昨夜
一九月三千里外來相尋夜寒却憶玉岑社誰抱梅花讀書
者舊時淝籍已能文轉向師門悲驚馬陵茗初華顏色赭經
史橫陳坐其下平泉草木一摩挲山舍曾經劉璹假讀書當
坐第七車中央大纛開高牙似我駸駸不稱意枉笑賣餅公
羊家眼中之人君非耶要知急景如修蛇百年種樹幾家在

洛陽相公姚黃花

送楊蓉裳農部歸里并示浣香上舍

九月黃塵冀野虛衝寒行矣泣臯魚卽看宦海清流少漸覺
名場老輩疎入領度支張鷟集與修平準史遷書劇憐徐庾
文章手也道長安不易居

麻衣如雪赴嚴程元武湖波咽冶城八座起居成慟哭六朝
佳麗待先生虛言頴上歸田錄難遣山陰誓墓情莫笑卽潛
頭白盡著書終不讓虞卿

涇原畫角撼孤城親見花門夜斫營盡室金鈿多餉士登陴

子弟亦知兵

謂質山

時平梟鳥移巢避宦苦鮎魚上竹行太息

馮唐今老矣更無魏尚話西征

羣紀論交又歲時斜川風調亦吾師全家有集蠻夷購才子
無官士女疑大好鶯花吳地記此行風雪蔣侯祠江南不少
閒漚侶回首燕雲有所思

龔素山

疑祥

偕陳默齋副戎入都旋即南歸詩以贈行

君行閩海路幾千自我不見今三年竭來京洛閉門卧欵關
一刺何翩翩昔時白晢變蒼黑爲君結轡行自憐西湖湖水
如碧玉湖上酒人出相逐就中最數郭白眉往往狂歌當痛
哭比聞飛書動開府去向匡廬峰下宿餘子或亦過燕市擊
筑歌呼無若僕妄思手板逐簿領屢聽彈章被詆辱才雄似
爾幕府豪鬚眉亦搖海水綠澎湖以東天蒼涼將軍挂弓紅
樽桑刺閨昨夜捷書入孫恩敗死走且殭酒人聞之色然喜

明朝馬首催嚴裝捉刀自是英雄事况有詩人郭武襄

答家海漚兄寄贈之什卽題其天游閣集後

字字香山集裏來天游高閣掃浮埃新詩遠寄王官谷孤旅
方愁郭隗臺久已家林應執摯生慙野鶩敢論才傳衣此事
如禪事臨濟南宗近漸頽

送閑泉歸錢唐

人事苦相讐迫之使爲客東華十丈塵藏君如複壁三十好
男子低顏向臧獲索米陶胡奴彼是何媼戚性命與黃金其
勢常不敵薊門十月寒北風利於鏑蛩蛩可憐蟲獵獵退飛
鷁行矣還江南道或在泝潞

去年送君日寒食桃花開麻衣行萬里江濤生遠哀我時就

記室十指懸如椎贈君爲長句感激悲風來春明一相見舊
夢飛黃埃吟聲撼屋壁先笑蚊成雷就中屠與許年少尤恢
台移燈照螯蠍說鬼徵臺駘酒人旣被放酒坐生青苔與君
宣武坊顧景還徘徊何堪輪蹄鐵又復動九咳

欲別令人泣旣別令人思此事不常有其人已可知朱家重
然諾患難相維持張堪託妻子此語古有之世人掩鼻笑吾
尙嫌其癡與人骨肉間無譽但有訾征鳥方疾厲元雲亦南
馳叱宜童而角卓哉先民辭

杜康彼何人古之傷心者酒是泪所爲乃肯向君瀉聚散亦
何爲忽忽等飄瓦坐客多宦游紛紛覓行馬參軍蜀道行輕
裝如陸賈許君蒼勁姿俯視才盡下失意作選人驪歌不勝

竿明童十三四弦索一燈炮曲終慘不歡霜華白如寫公等
騏驥才遂空冀北野所苦同調希知我漸以寡欲語各吞聲
宵深還炙輶

送許大令

乃大

之官蜀中并寄藕船粵西青士湖上

驅車出國門一日凡幾輩驚鳥雖累百勿以一鶚概銓部趣
選人嚴程上驢背層冰摧廣輪黃塵障驛遞結束爲庖裝去
去何慷慨方今求治切作吏胥保父三十舉孝廉名義固有
在君才十倍我有餘無不逮常若不逮然有餘寄其內黃老
申韓祖道乃在用晦孔孟亦有言進銳速其退未肯磨兜鍪
瞽論君所貸

動足輒萬里夜乃夢益州盛世重邊才此事知所優岷峨阻

以深劍外猿猱愁遠宦正及壯霜華明吳鉤江源所環漚沃
野多平疇慨自兵燹來汲汲安耨耰其俗或獷悍文之使其
柔士氣所彌縫百倍於兜鍪勿謂一官卑自視如浮漚文翁
興禮讓砉然無全牛

交君兄弟間門材方極盛刺史肫肫然遇物以定勝孝廉渾
渾爾其才未可竟僕一狂奴耳鄉里苦作橫揖我謂我好微
論許聽瑩今年過燕郊誰歟出郭迎小車如飈流一士獨超
乘關河正搖落酒坐快合併肩稜忽軒舞短衣走孤鱗袞斜
萬里游卽事多報稱明知離思惡破涕不成咏捉鼻立道旁
借君以自證

竹石居圖爲童夢君題

浙才多雨東明儒盛學案 國朝百年來作者驚浩瀚已未
我東游一事獨扼腕充棟天乙書叩門未及看月湖不百里
卽之渺雲漢中有隱君子傳經資淹貫古琴竹石間匡坐彈
清散黃竹亦已枯白石亦以爛鶴鳴子在陰高唳出天半今
年來都門扣角白曰吁水部早騰聲拂拭遇雷煥批答佛簷
書機廷互贊嘆見韓偓金鑾密記 懵然念乾蔭名德在里閭指點薜
蘿陰披圖手三盥

送何蘭士太守之官寧夏二首

有客能爲五袴歌十年相見悔蹉跎酒人向後長安少名宦
從來絕徼多互市夷歌調火鳳放衙羌女炙銀鵝憑君一問
燉煌郡孟則才名近若何稜子孟則燉煌見前秦錄先生好士故及之

涼州迤北古姑臧萬里乘輅下永昌幕府詩歌留庾杲謂家上舍

邊才瀟落笑馮唐受降蕃部懸秋戍出塞河流遶女墻聞道

漢廷知汲黯 天恩未許薄淮陽先生 陸見日力求內用溫詔諭行

題法梧門小像

詩龕高會等無遮載筆槐廳已滿家蝦菜亭邊閒得句一生

低首李長沙

流別終推正始才西風吟上涼鷹臺長安八百孤寒士多要

圖僑畫札來

質谷詩鈔卷十

海昌查揆梅史著

題陳樹齋軍門聽雨圖

將軍忠孝家功名方極盛十五襲通侯丞相趣鑄印二十擁
節旄三十畀重鎮鬚眉秀比崔腰腹偉並鄭丹青上凌煙褒
鄂亦生敬承明坐無事職在不敢徇謗書易構樂遺矢每老
藺古事非所同 天子實仁聖酖人羊叔子此豈世所信却
歸卧田間藉手謝豪橫江南秋雨來謠詠出孤簾恭聞忠愍
公起家自戰陣公孫井底蛙妄欲竊奇閨羽書滿關隴流氛
漸襄鄧蠢爾吳淠狂 甚囂騁 仁皇所賜詩動色勸忠
盡當時公同鄉決起騁神駿中間趙勇略士氣百倍振後公

入 殪此梟破鏡自公至將軍觀縷未可竟要皆備宿衛
次亦奉朝請 國恩厚如何如雨久愈潤不見紫光闕將軍
亦季孟

陶季壽明府章鴻招同秦少司寇小峴先生法梧門庶

子吳蘭雪博士嵩梁陳石士編修用光集上斜街趙象

庵中翰汝昂蕉山園卽用梧門庶子太液池看荷花腹

字韻

年來一笑足捧腹高卧長安若空谷叔子不如銅雀伎此事
思之亦爛熟敢言作達厭黷塵未肯炫姿弄膏沐侵晨一雨
得美睡涼綠如潮低卷屋忽然莊生逆惠施足音遽然來不
速夢中筇屐記湖墅面上雲煙猶岳麓城南何處得佳游招

我同尋韋杜曲小園已覺宦隱好列坐爭看少長屬過墻垂
蔓引纖蘿小墤分苗慨叢菊新詩先已得秋早清脆過於絲
竹肉昨者觀荷到西苑紙上低昂句搖綠安知此樂我非魚
聊欲相看君逐鹿片雲催客入城去雨點麕於箭頭鏃

前詩甫就聞少司寇先成絕句八首未之見也輒如數

奉和

笑傲無人喚觸前坐忘烏鳥欲巢肩怪來我我周旋久彈指
中山酒醒年

過雨衝泥已未街客來祇我合芒屨入門滿地秋如水不似

翻紅芍藥階

寓斜街者多已未科人近有已未街之目

畫墁青蘿低作屋隔墻高樹暗於山欲逃秋暑無過此此是

先生複壁間

醉翁門下十年多
嬾我偏稀問字過
長揖堦前通一笑
老夫戶外可張羅

淨業湖西別署門
相逢笑語春風溫
坐中說士甘如肉
又要飛書薦士元

博士才名到海涯
流虬小學有侯芭
錦衣綾帽拖娑舞
可稱公羊賣餅家

翰林才筆儼歐梅
新自西江社裡回
直悔疎狂同許劭
不曾先詣仲弓來

舫舩曾共醉餘杭
舊事如塵墮渺茫
今日鷗荷圖子裡
更誰來往道衣涼

所居後院羣蜂屋焉羽孽辛螫厮僕以火燔之至盡旣
快掃除戒其慘刻作此示之

暗廊無人風卷茅蠅飛蠕勤爭來巢狂蠶引類幾萬翅此孽
亦豈天所教繁流潼注固何物零丁著牖黏如膠一竅纔通
蠅房啟千門曲作花跗包居然螽斯長孫子尚欲螬首誇妍
姣憧憧初猶寄廡下薨薨漸乃爭堂坳么膺屢遭按劍怒反
據高處爲函嶠爾等口吻已可怖背芒似戟森相摻聞聲只
合自堊戶仰視誰復能登輶阿奴火攻非得已真是奇計傳
居鄉灰飛電滅盡頃刻快意似倩麻姑抓主人愀然變色作
慘舒至理非解嘲此物詎宜養癰疽要有生意何可勦洒掃
不早職爾職致令一炬爲燔炮去惡務盡古難說遠之足免

神明清獨不見東家釀蜜蜜蜂至彼口雖甜腹有刺

歐陽文忠公生日陳碩士編修招集太乙舟僕未與斯會辱以長篇屬和爲賦此詩

廬陵文章天下奇墮地已作鱗之而先河後海越千載漚鬱
眇如京師今之學道視嘉祐坐有老輩工文辭誰摹遺貌
出秘府飄然謂是公鬚眉翰林西江派流別酒脯豈爲鄉人
私主文所在不擇地湛冥精氣能通之江湖日星徧壽載再
拜何異青原祠蕭郎語言妙六代延陵異世心相知自古詩
書要尙友况公大節爲蒼龜亦猶公於李翱集服膺恨不生
同時公之降曰例尸祝大非磨蝎躔南箕餒餘促作文字飲
圍水四座祛炎曦翰林放筆爲長句揮斥小宋吹其疵當時

奉詔去雕飾公謂前輩非可訾史臣習尙戒傾軋此事已足
千秋師方今館閣需歐宋放論幸勿嫌其癡迎神送神有羣
雅文我未諳姑以詩

張指揮

學程

招同法梧門吳山尊

蘇

吳蘭雪陳碩士陶

琴垞諸同人集陶然亭二首

韋杜城南路聯鑣叩佛幢野雲圍草閣叢葦學秋江及此朋
尊聚偏來酷暑降解衣磅礴甚酒思若飛瀧

萬雉鱗鱗起西南翼此亭人邀河朔飲山送太行青感舊蛇
紆壑論文水瀉瓶張侯有佳句彷彿遇湘靈

芸甫員外介季壽索詩卽韻

鑑水於止水止水能澄形學海而至海細流皆滄溟二者以

踰道下土所聽瑩不如濬靈源各自尋清冷先生學道士智
每陋挈瓶翫葦蕸氣母觀化何能停其始可濫觴其旣爲驚
霆噫氣塞兩間颯然起青萍語大卽鵬翼語小卽蟪蛄源流
苟滑緝施厲楹廷觀如剪剪髮勿使撓吾寧儒言曰孳孳
佛說常惺惺

雲繪園夜坐

琵琶鐵撥裂鵲絃陡送秋心到酒邊一葉墮堦輕似夢繁星
朝斗炯於煙翻簾蝙蝠毛全綠卷瓦芭焦響更圓多少重城
趨待漏休鐙容我覓高眠

寄少白懷巒莊舊游四首

清溪南畔有人家路似銀河一道斜三尺銅瓶新漉水水茨

荇葉白荷花

茶煙禪榻漸蕭騷
歲歲江南執說勞
但道白鷗相憶苦
門前新水幾回高

花游回首恍如煙
愁煞清歌沈下賢
落拓已過閒尙早
勸人無賴是中年

酒人散盡令莓苔
溪上蘋花獨自開
三十年餘垂釣坐
蜻蜓爭上髯絲來

新秋和家南廬

漸覺秋寒似去年
空庭如水亦如煙
合昏花小猶垂穗
咽露蟬涼欲上絃
酒思疑潮生雨後
客愁和影出簾前
江南砧杵三千里
點檢重裝舊錦綸

袂衣乍換怯寒飈戶外芭蕉暗銷夜雨不多因葉開夏蟲
無賴入秋驕賣水市已隨車散照蠅燈猶隔院搖早晚看雲

山寺好一痕新雉映單椒

時將作西山之游

七月二十二日僕之初度蘇虞樵丈載爲設酒果適陶
季壽明府送歐陽文忠公畫像至距公降日逾月矣予
是酌酒像側僕亦霑醉焉得詩二首

西風瓜果尙髣髴客裡懸弧一笑看墮地早知憂患始依人
真覺去留難薊門北折秋聲緊遼海東迴日色寒一事廬陵
容我傲白頭無恙各加餐

華年容易感蹉跎髯也風流載酒過知我幾人如雨絕遲公
一月得秋多卽看牛斗迴磨蝸剩有文章傳橐駝爲誦廬山

高萬徧羽觴狂欲挽天河

落葉

葉葉青蟲吐亂絲暗窓如雨下空枝低頭一笑渾相識見汝
東風綠上時

和風和雨墮天斜枝上疎于早晚鴉待過峭寒三五月成陰
還覆萬人家

如丸涼月上層城叢樹徧遮曲檻平多謝西風能擁簾知他
簾底要空明

葉底流光墮似螢已容空裡數秋星下簾簌簌還疑雨澁我
西堂十日聽

得家人初夏所發書有絕句二首一簾風雨夢依稀爲

問平安雁北飛苦憶畫眉人去後無憀花事又春歸流
鶯啼嬾寂無聲幾處飛花又暮春愁裡不堪連夜雨傷
心如送遠行人題曰風雨送春抑何詞致悽婉也時已
深秋予不復和答以七律二首

折角封題歲月新墨痕和黛染初勻書多稠疊猶嫌少兒道
聰明恐未真待見定驚雙髻改卽歸何補一家貧秋風幾葉
登科記換得長安萬斛塵

織將錦字寄連波一樣天涯有浩歌千里歸人思捧檄三間
新屋想牽蘿宵無好夢眠嫌早坐有狂言酒畏多聞道比來
新病起蘆簾紙閣奈寒何

呈法學士郎題瀛洲亭圖後

下士易感激感激不在大片語出肝肺誌之不下帶符融在京師乃能識郭泰不然河南尹豈得遂傾蓋賤子謬稱詩竊比自曹檜飛書動開府聲譽遂稱最所媿下水船欲駛礙激瀨文字有因緣茲理何能昧

充賦入國門生馬不可勒面自顧自疑半爲塵土蝕長揖輦路旁一一誦朱墨玉堂有老仙招呼過城北長沙桔槔亭寓廬得偃息兩峯有遺縑言爲金馬式眼中與意中各自有矜色無何各拚飛十八九場翼門前馬如龍傳呼貴人出回車避少年中有舊相識

蹇驢不能前躑躅玉河下河水有蘋蘩萬事悟飄瓦柳絲颺鷗尾上有切雲屐中有瑯嬛書那得客草野旁人生嘆嗟士

固貴爾正以吾所知聞弁陋蓋亦寡飛溜咽虛亭玉龍互吞
渴下第顏已低讀書面尤赭望望承明廬焉使我心寫

夜夢得飽食醒來轉飢餓人事不相形何由見輶軻剪翮樊
籠中仰看百鳥過瓊樓十二重仙官此雲卧欲往無方舟將
歸尚塵泥世界一微塵宛轉蟻旋磨欲將平等觀持此參首
坐又趁槐花風招邀入夏課

花朝酒盡與爽泉夜話二首

客愁真與蛻脂同纔著鎗光照便濃俊侶無多聊慰藉歸期
漸近轉惺忪厭眠牀下猶聞蟻放暖牆陰早逗蜂五噎三心
剛案戶年年耽悞是踈慵

花朝客裡幾年過醉且難堪奈醒何極有閒心成跌宕不知

何物與消磨卷施無力寒猶峭
荏弱纔安夢易訛一種銷聲
復銷骨銅槃鉛淚爲誰多

卽興八首

輕塵二月暗牕紗雨雨風風作意斜
幾陣餘寒多過了窺園
應少未開花

禪榻茶煙細若塵榆錢滿地未嫌貧
園丁日抱蒼苔卧也似
揮鋤不顧人

一枝殘燭膩銅盤六扇踈櫺閉夜寒
明月漸南花影北四更
多上紙牕看

冒索秋千倚畫墻窺來杏靨儼明璫
桃根桃葉休相妬早嫁
東風早退房

報謁春明萬紙吹殷雷
墻角走斑駁日高尚擁黃紬被長柄
葫蘆却問誰

丁香百結柳千絲
麗敷低迴欲去遲
木石心腸吾不慣可容
人喚作吳兒

曾向荆高市上行
銅街聯臂蹋歌聲
踈狂已媿蕭夫子幾日
櫻桃賦未成

長紅小白闕天斜
明日清明響鈿車
剛說空園春事慢夜來
小雪與裝花

書寄故園諸子

埽門羞曳貴人裾
修禊年光嬾散餘
不雨自來芳草少
早眠都與月明疎
紛紛眼底遼東豕
寂寂吟邊灞岸驢
倘問文章

聲價好此間臺閣盡嚴徐

三年冀北盡空羣旅寄蕭然客緒紛花事關心開夜合年光如水過春分紙鷲力弱斜牽雨鐵馬聲高亂入雲大好婦人醇酒法只應低首信陵君

暮雨

黃塵如海罨春晴卧聽昆明吼石鯨難遣酒悲偏暮雨纔成歸夢易天明閉門紅燭三更炮場地圓苔一夜生此客不凡知不易無人能道大河橫

送吳易庵之官入蜀

論交燕市已三年馬骨千金各自憐欲別已拚成墮雨此行真似上青天縱游萬里今方始不薄卑官古有然去去樓雲

高極處故人回首薊門煙

魚鳧遠道趁星郵千騎君應在上頭問俗爭傳蜀檮杌校書
舊勘晉陽秋重逢預想掀髯笑薄宦其如此馭愁他日相期
二千石青山無恙古嘉州

草草柴車算儗裝卽看岐路太蒼茫登床未必無嚴武置驛
誰堪託鄭莊何物純鈎知拂拭有人長袖善低昂與君一樣
牽絲戲鮑老郎當笑郭郎

戊辰禮闈後潘少宰盧儀部兩夫子招同人集陶然亭

予以不與試事辭不赴儀部師有詩見及奉酬二首

頭銜拚作棄繻生道路爭傳太息聲但道此才真可惜卽看
漫吏已成行計疎直悔三年誤親老翻教一第輕多謝東風

誇國色蛾眉端不在傾城

城南傑閣俛欽岑弟子籃輿許共登纔試好花蜂早覺不多
新水燕相尋傳衣自合煩公等鬪句何堪敵醉吟身是羊公
門下客背毛腹蠶媿應深

戊辰九月歸自都門旋將俶裝之晚錄別二首

風雨漂搖屋幾層癭蛟猶舞老青藤團樂小慰衰親望灑埽
應知弟輩能容膝安還勞燕賀打頭低或礙漚朋柴門不正
尋常事俗吏何堪學杜陵

時方葺
治老屋

纔教橐筆罷游梁訪舊先尋釣弋場相見何謀排日醉遄行
又趁隔年忙圖經楚澤還吳澤里社肥鄉况狹鄉何事君卿
好唇舌臨岐無語各蒼茫

已巳人日春園重赴都門僕之官皖江舟次硤石同訪
榕園劇飲爲別二首

同上扁舟犯曉寒臨岐揮手又長安但除乞米居原易已慣
辭家別尙難人日有情詩老醉壻鄉無恙酒盃寬茸裘席帽
平生事手版翻愁路汗漫

故人鄭重話江關宦海抽帆得且還此語尙忘如白水微官
聊博看青山江湖有集才嫌拙保社能狂髻漸斑他日看尋
鷗鷺約皖公相對指孱顏

無錫舟次有懷楊上舍晚香

九龍僵卧白雲凍但聽浮圖鳴鐵鳳峭颿一夜到江南兩岸
奔馳若飛鞚三更燈火出城郭驅使市人歸一闌想君側帽

過銅街不然閉門謝賓從賈生問事都不省顏子再生亦屢
空我初識君自北雍百賦千詩雜嘲諷論交京洛得紀羣接
迹風騷等屈宋過庭况復有雅訓文章當代楊南仲鸞鳳
泊不得意先我歸鯢竟南班竈觚已歎積薪賢鯁壓還悲巨
鱗縱去年扁舟下吳會咫尺狂言不得貢此時無計快合并
此意要知各鄭重閒來彷彿想儀狀一笑看書眼無縫篙師
轉舵不肯停足疾蹣珊又自訟

荆溪道中寄吳丈鶚

坑外煙光約共探廿年息壤此江南荒碑刻劃貽神識古榭
微茫想佛龕丈嘗擬重修牧之水榭社早柳梢先見燕溪寒魚子小疑
蠶渾忘今夜燒燈節春水如天客兩三

十六夜泊陽巷燈事甚盛次積堂韻

竹馬喧闐訝許同
檣烏爭颭落燈風
滾塵月宕無邊白
歸炬星流未了紅
散雪有情歌再疊
開蛾循例酒三中
一江春水千卿事
儘送鄉愁日夜東

足疾不愈戲成長句

少年健走恣軒騰
草頭一點爭蒼鷹
偶然舉念到雲物
食頃已蹋青嶮嶒
清風習習生兩腋
蜚弧快意誇先登
封胡遏末更奇絕
遠道未肯輸傳燈
東流漳水付想像
銅臺高聳橫珠梭
十年人事苦局促
苔花日久生紅藤
奇毛健翮不稱意
瘦權嬾可呼多鷹
竭來請急拜家屢
試吏那便稱廉能
折腰此事吾未慣
生恐倔强當官憎
豈知俛仰得大意
非有秘鑰傳

雲仍摩挲偶爾出手爪膚受忽復成痕癢神鞭三百本不易
爬搔小試猶難勝江南不少上池水不龜妙藥如圓水扁舟
兀坐計亦得塊然齷齪慙吟朋邯鄲學步露跟肘自卽況可
爭曹滕無已請爲解頤語趨走拜謁才羞稱牛羊三百託良
牧來思只合揮以肱

溧陽

風來東北峭帆孤溧水春陰長綠蒲粉白墻圍村遠近赭黃
山染樹生枯舳艫地勢斜通楚兒女鄉音軟似吳明日編郎
泊何處笑看天塹斷蕪湖

高淳次積堂韻

水枯爭說去年晴船背爬沙大蟹行古蕩一繩圍野色圍田

夾岸聚篙聲輕裝別載條風穩淺渚成蹊緯影平光景荒寒
詩味俊不曾孤負此員程

東壩換江夏船作

漚背蒼茫尺水膠一丸泥塞擬函峭桅如束筍春江近渠入
空坑曲岸包小市殘燈喧竹馬抱關餘稅託舟鮫可堪紙爆
驚鄉夢轉憶新年節物拋

舟中與積堂論詩得八絕句

猷摩官裡舞天魔法曲霓裳奈爾何但道驚鴻好飄瞥威儀
到底要山河

天鼓鱗皮信口呿便便此腹負居諸廬山高與明妃曲歐九
何嫌不讀書

雲龍韓孟格尤高扶寸靈蛇各自操不解峨眉老居士一鐙
生悔嚼空螯

七字長城屹上游單詞儷句若爲優道人天眼分明在齒令

江湖萬古流籀石先生謂韓杜蘇黃七古皆一氣單行二晁

撐拄一經拈出便覺有上下非之別漁洋古詩選尚未能覷破也

情人瑤怨總苓通毛女無端出桂宮試向上清繙謫籍人間

能幾李騰空近日才人愛傳佳俠形管標榜幾至墮溷飄茵無非勢族亦思詩禮之後安得如許飄墮者耶

人心不古附會如此風雅之罪人也所謂王夷甫諸人不得不任其責者其隨園乎

珥筆詞臣出尚方酣嬉墨汁寫狼荒海天行記崑崙使披髮

何須問大荒曩在都中與雲伯同纂遠遊集琉球則汪檢討

靖士毅青海則楊方伯揆朝鮮則英侍郎和寧古塔則吳漢槎秋茄集然以逼近盛京爲國朝內地故置不錄其餘作

者間涉壯遊亦多采錄要以域外爲斷此唐宋以來一大觀也

崔蔡嚴徐第一流盛時端合副勤求如何不上王褒頌手版

紛紛拜督郵

同輩詩人如陳曼生雲伯白雲屏琴鵬諸君皆出爲令長

詩印能提醉百觚江南仙吏未全孤看他桂楸星辰笑判得

芳洲杜若無

兩江詩吏最盛擬纂輯江南仙吏集

和積堂游仙詩

海山相隔一塵輕何物黃庭內景經聞道長生多捷訣歸藏

熟後卽飛行

耕雲那惜玉龍臞瑤圃青芝種一區直爲歲星飢欲死斥仙

多乞守天廚

珠斗橫斜絡絳河頑仙小劫奈情何娉婷已覺人間少玉女

何來十萬多

忉利團圓樂方一雙睡鶴夢初涼仙家亦有閒兒女嬌倚
銅槃蠟鳳皇

月姊相逢下九時妙蓮花底雨絲絲無聊與話銀河事織女
前宵走侍兒

玉舄飛鳧有底忙地行仙自道勝常望塵日下茅君拜絕倒
瓊臺執蓋耶

玉女投驍急箭鳴井公六博劇縱橫青城別有豪奢願阿母
前頭賭智瓊

洞口仙厖吠玉賢誰將華鬢幻諸天胡麻一飯須臾事破費
劉郎幾十年

二喬妝井和左蘅友

丹陽神識黯然收粉碓脂田浩劫留此日玉羊銷古怨舊時
銅雀倚高秋譚兵劍佩虛窺影擁髻盤匱不識愁佳俠分明
開六代道南僚婿擅風流

水枯石爛幾韶華賸有江村並若耶飛燕不勞方漢殿驚鴻
無賴薄曹家鹿盧自愛吳波淺保社真成楚豔誇却望螺磯
東下水弓刀小隊泣靈媧

同人登大觀亭謁余忠宣公墓

亭壓空江出登臨肯便還烏低平楚樹帆落盛唐山轉戰懷
前烈高歌得暫閒所嗟王粲賦蕭瑟此江關

宣慰垂青史淮肥幾鬪爭裏瘡偕許遠穿塚自田橫華表栖

歸鶴滄江吼石鯨只今坏土在如見劫灰平

蘄黃紛草竊廣武孰登臺鳥雀孤城盡蟲沙百口哀荒坡魂
嘯月胥井骨生苔太息南朝事蕭騷稽彥回

上巳次積堂韻

欲踐登臨諾春城席帽歆瘴多花易老江冷燕來遲穢俗前
襲事鄉心載酒時白團歌扇底可少雨催詩

稷社剛三月酸風尚裂裘枝官成俗物淒節罷佳游話舊青

門約嬉春碧玉流酒痕襟袖滿惆悵古杭州有懷癸亥上巳與同人集湖上事

迎江寺小憩次積堂韻

負郭青鴛塢盤空旋似螺指南帆到港遙北軸翻波仙梵風

聲迴江鴉雨點多吏閒行散便經卷與消摩
失笑麤官事如投飯後鐘頻來僧竊訝小坐佛能容鷗立一
萍綠蜂喧幾葉濃春晴閒領畧白社倘能逢

曉起卽目

人家高下枕欒阿草舍荒街映薜蘿最好滿城新雨後市聲
未起澗聲多
犖确紆迴石作梯樅陽門北寺門西不知春水夜來長但道
山城雉堞低

錢裴山中丞輓詩

灞嶽歆浮雲樅陽激悲壯牙旗慘不驕笳吹裂蒿唱抑抑中
丞公
帝謂汝保障移疾方拜疏食少尚亡恙猶苓豈能神

知命復誰謗營魂排天關肝肺決鬱宕其時秋始分其日月
逾望戟門紙錢風賓僚咽悽愴或者古大臣節概太孤亢致
身事則然論定斷所諒發憤賈長沙憂時陸內相嗚呼盡瘁
心丹青莫能狀

臣某惶恐言填撫不稱職奉節吳楚交風氣限南北文書坐
堂皇兼以勗銅墨庶幾副勤求獄訟日衰息臣精乃消亡耳
目眩惶感 恩重敢乞身力疾此自劾臣年五十三無子獨
女一旁無期功親老母衰逾七臣家本孤寒井里亦蕭瑟本
乏好時田况望郇成室三復陳情言涕泗自橫臆皎然志不
欺歸心君父側

牛李多恩門議論或異詞我初無所感知其言非私甫來肅

公儀謁入心所知衆中一舉手謂是工文辭旣而愀然歎此
事非三思漢家飛龍殿中要汗血姿胡爲自局束歷塊苦不
辭毛生自有說泥古無乃癡鬱紆中倒極歎息翻疑嘗知我
無所求進退恒透遲凡其所甄權皆我友與師置身稷與卨
吾道何瑕疵